



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Tribvs Dagobertis Francorvm Regibvs Diatriba
Godefridi Henschenii E Societate Iesv**

Henschenius, Godefridus

Antverpiae, 1655

VIII Maiores-Domus Dagoberti B. Pippinus & Aeganes, Referendarij, seu
Cancellarij, Godefridus, Henricus, Chrodobertus, S. Audoenus.
Monasterium S. Dionysij dotatum. Primi illius Abbates. Diplomata ...

urn:nbn:de:hbz:466:1-9599

V L I I

*Maiores-Domus DAGOBERTI B. Pippinus &
 Æganes. Referendarij, seu Cancellarij, Godefri-
 dus, Henricus, Chrodobertus, S. Audoenus.
 Monasterium S. Dionysij dotatum. Primi il-
 lius Abbates. Diplomata discussa.*

QVI DAGOBERTO Regi adfuerunt intimi, maximeque honorati ministri, sunt aut Maiores-Domus, qui vniuersis palatij rebus inuigilabant, aut Referendarij, ita dicti, teste Aimoino lib. 4 cap. 41, quod ad eos vniuersa publice deferrentur conscriptiones, ipsique eas annulo Regis, siue ab eo sigillo sibi commisso, munirent, firmarentque. Maior-Domus, usque ad annum Christi 10335, regni DAGOBERTI post obitum patris VIII, id est, quamdiu apud Austrasios vixit, palatio eius præfuit B. Pippinus Dux, de cuius sanctissimâ vitâ agimus XXI Februarij die eius natali. Postquam Rex Parisis, quæ sedes Chlotharij patris ultima fuerat, domicilium fixit, Æganem præceteris Neptrasiis consilio DAGOBERTI fuisse assiduum tradit Fregedarius cap. 72. Ipse namque, ut dicitur cap. 80, inter ceteros Primates Neptrici prudentius agens, & plenitudine sapientiae imbutus, cunctis erat præcellentior. Eratque genere nobili, opibus abundans, iustitiam sectans, eruditus in verbis, paratus in responsis: tantummodo à pluribus blasphematus, eò quod esset avaritiae deditus. Facultates plurimorum, quæ iussu DAGOBERTI in regno Burgundia & Neptrico inlicitè fuerant usurpatæ, consilio Æganis omnibus restaurabantur, dum ab obitu illius regnum Chlodouei filij

filiij & palatium condigne gubernaret.

Inter Referendarios, quos Cancellarios postea appella-
runt, primus refertur Godefridus anno regni Austriorum
sexti, secundus Henricus, anno eiusdem regni XII, quando
diplomata suprà relata consignarunt. Postquam sedem re-
gni Parisis statuit, primus Referendarius videtur fuisse
Chrodobertus, ille idem, qui in bello Sclauico Dux Ala-
mannis præfuit anno Christi 10XXXVI, & anno sequenti
obtulit diploma regium, quo infrà lib. 4 dicemus S. Desi-
derium fuisse *Idibus Aprilis* Episcopum Cadurcentem deno-
minatum. Præcipuus & maximi nominis Referendarius
fuit S. Audoenus, cuius meminit Fredegarius cap. 98 ad an-
num Dagoberti XIV, Christi 10CXL, & virum laudat *sanctæ*
religionis sectantem. Idem faciunt monachus Sandionysia-
nus cap. 39, & Aimoinus lib. 4 cap. 29, qui ait eum *religiose*
vita testimonium habuisse. Auctor Vitæ S. Audoeni de digni-
tate Referendarij hæc habet: *S. Audoenus cognomento Dado,*
Auricularij locum in aulâ Regis sortitur. Ipse etiam ad signanda
scripta, vele dicta regalia, quorum ipse conscriptor erat, sigillum
vel annulum Regis custodiebat. Quo eum anno Rex ad hanc
dignitatem euexerit, non sat liquet. Edidimus VI Februarij
pag. 818 diploma DAGOBERTI, quo S. Amando confir-
mat Elnonem donatum ad monasterij constructionem. Si-
gnatum diploma est *Parisis Kalend. Maij anno regni Neustriæ*
XI, Christi 10XXXIX, & recognouit Gerardus Notarius ad vicem
Dadonis Cancellarij.

Iacobus Dubletius lib. 3 Antiquitatum monasterij S.
Dionysij plures tabulas profert, quibus DAGOBERTVS Rex
confirmat priuilegia dicti monasterij, aut varia eidem be-
neficia donat. Sed scatent subscriptiones enormibus men-
dis. Anno regni eius XXV aut XXX quædam diplomata signan-

tur, & tamen xvi regni anno viuere desit. Eligius anno regni eius v, x, xiv & xv subscriptis Episcopus, & rursus anno xv, xxv & xxx aurifaber, vti & Dado Episcopus Rotomagensis anno regni v. Qui ambo tertio post obitum Regis anno tantum ordinati sunt Episcopi. Eadem plerorumque Episcoporum, qui plurimi memoratur ratio est. S. Arnulphus Episcopus Metensis, qui relicto Episcopatu circa annum i^ocxxxⁱ secessit in eremum, subscriptus anno regni eius xiiii, & xiv, & in priori cum Chlodoueo filio Dagoberti: cuius iterum diploma anno regni vii signat cum Gundoeno Comite Normanniae & Charamundo Comite Flandrensi. Dubletius interea testatur effigies DAGOBERTI & Chlodouei in sigillo cereo expressas videri appensas, quasi sic omnis dubitandi de sinceritate praecisa esset anfa. At vel ideo magis omnia suspecta. Alij sincerius esse censem diploma à Dubletio pag. 656 editum, cum hac subscriptione: *Ego DAGOBERTVS subscripti: Dado obtulit. Datum die III Kal. Augusti anno II regni DAGOBERTI, Compendio feliciter in Dein nomine, Amen.* Agitur de mercatu annuo Idibus Octobris ad honorem S. Dionysij constituto: quem monachus S. Dionysij in Gestis DAGOBERTI cap. 36 tradit concessum anno xii DAGOBERTI, qui proinde annus esset restituendus. Neque Abbatum S. Dionysij in hisce diplomatis nomina omnem suspicionum materiam satis eximunt: quatuor omnino nominantur, *Aigulfus, Chunaldus, Dodo, Leobafarius*, quos hoc ordine primos illi monasterio prae fuisse tradunt Dubletius & Claudius Robertus. Ex his *Aigulfus* memoratur in diplomate anno viii & x Dagoberti: quo etiam x anno *Chunaldus* nominatur, vti anno xiv Kalendas Augusti *Dodo*: quo eodem anno mense Octobri iterum, quasi reuixisset. *Aigulfus* subscriptis, & dein anno sequente xv Kalendas Novembris; quo tamen anno ante relatus erat

erat III Kalend. Augusti Leobafarius. Sed rursus ad annum Dagoberti XXV, & XXX Aigulfus legitur, quidem signat anno VI Chlodouei: ut quatuor ab iis Aigulfos statui necesse sit: qui unus idemque sub DAGOBERTO & Chlodoueo vixit. DAGOBERTVS, teste Fredegario cap. 79, ecclesiam S. Dionysij condigne ex auro & gemmis & multis pretiosissimis speciebus ornauit, & condigne in circuitu fabricare praecepit, patrocinium ipsius pretiosum expetens. Tanta opes ab eodem & villa & possessiones multæ per plurima loca ibi sunt conlocatae, ut miraretur à plurimis. Psallentium ibidem ad instar monasterij Sanctorum Agaunensium instituere iusserat. Sed facilitas Abbatis Aigulfi eamdem institutionem nosciur refragasse. Hæc Fredegarius, quem monachus S. Dionysij describit cap. 44. ut priorem partem Aimoinus cap. 33, qui cap. 41 tradit anno XIV regni Chlodouei, Aigulfum loci illius Abbatem fuisse, quem tres alii sub Chlothario & Childerico aut etiam DAGOBERTO iuniore secuti videntur.

Idem Aimoinus de ornatu ecclesiæ S. Dionysij hæc enarrat cap. 20. Inter alia Ecclesiarum Galliæ spolia, ex occasione basilicæ D. Dionysij exornanda, direptas valvas fusili ære fabrefactas à templo S. Hilarij Pictauensis fertur abstulisse, Quas dum per Oceanum in Sequanam deuenient inßisset, ut per eam Parisius usque ducerentur, una earum fluvio absorpta, nec postmodum dicitur fuisse reperta. Ceterum ornatum interiorem ex auro, gemmis, aliisque magni pretij materiâ à S. Eligio confectum, DAGOBERTO Rege impensas præbente, in huius Vitâ exponit S. Audoenus, tunc Referendarius Regis: à quo alias est Chadoindus Referendarius, qui, teste Fredegario cap. 78 Dux exercitus Burgundionum, anno XIV regni DAGOBERTI, Christi 10 CXL, rebelles Wascones domuit, quondam temporibus Theoderici Regis multis præliis strenuus probatus, quando paruulus adhuc erat S. Audoenus circa annum 10 C natus.

Chadoindum Brunechildis post obitum Theoderici ad Chlotharium direxit legatum, apud eumdem Fredegarium cap. 40.
At sub quo Rege, aut quā occasione præfuerit sigillo, non liquet. Prætereà Vrsinum, Dodone Abbe S. Dionysij, diploma DAGOBERTI obtulisse refert Dubletius pag. 670,
sed alius fortè Rex substituendus. Maior fides tribuenda iis,
quæ monachus S. Dionysij in Gestis DAGOBERTI testimonio suo confirmat: à quo donationes ferme dicuntur anno regni XII & sequentibus factæ: imò quæ hic cap. 17 & tribus sequentibus narrat beneficia suo monasterio præstata, ad ea tempora referenda sunt, quibus post relictos Austrasios cœperat Rex apud Parisios habitare.

Quæ recenset Labbeus in Miscellaneis curiosis cap. 3 & 4 diplomata monasterio Milebeccensi apud Bituriges, & Prioratui sanctæ Crucis in siluâ Cuisiaco ac territorio urbis Compendij à DAGOBERTO indulta, suis se subscriptiōnibus destruunt. Dona priori monasterio collata cum DAGOBERTO filius Chlodoueus propriâ manu auuthorizat & confirmat, idque anno ab Incarnatione Domini 10 CXXXII, septem scilicet annis, antequam nasceretur. Alterum diploma ita incipit:
In nomine sancte & individua Trinitatis. Ego DAGOBERTVS Chlothary iunioris Francorum Regis filius, cùm post mortem patris glorioſissimè atque excellentissimè florerem. Signant post DAGOBERTVM Regem Flavius Archiepiscopus Remorum, is scilicet qui anno 10 XXXV Concilio Aruernensi ac dein Aurelianensi ivante annos centum interfuerat, Eligius Nouiomensis Episcopus, Amandus Traiectensium Episcopus, quorum ille anno III post obitum DAGOBERTI ordinatus est, hic constitutus Traiectensium Episcopus. Eiusdem farinæ sunt monumenta à Miræolib. 2 Donationum Belgicarum cap. 1 & 2 edita, in quorum altero DAGOBERTVS Rex prædium Wallare, siue Wallare,

Wallare in siluâ Faniâ ad extruendum monasteriū S. Landelino donat: in altero illud in suam protectionem suscipit S. Autbertus Episcopus Cameracensis: quæ *duo diplomata rectè obseruat idem Miræus videri aut posterioris aui manu scripta, aut saltem immutata.* Quæ publicauit Iodocus Coccius in DAGOBERTO *Rege & Argentinensis Episcopatus fundatore,* ea maximâ ex parte pertinere ad DAGOBERTVM II, filium S. Sigeberti, infrà probabimus.

I X

*Obitus DAGOBERTI Regis. Chronologia stabilita.
Auctorum quorumdam errores indicati.*

BEllum à DAGOBERTO anno regni XIV, Christi 10CXL, rebellantibus VVasconibus illatum, iisque clementiâ DAGOBERTI vitam indultam anno XV, Christi 10CXLII, referunt Fredegarius cap. 78, monachus S. Dionysij cap. 36 & 42, Aimoinus lib. 4 cap. 28 & 31. Qui mox capitibus sequentibus addunt, DAGOBERTVM profluuo ventris in Spinogelo villa super Sequanâ flusso laborare cœpisse, exinde ad basilicam S. Dionysij à suis delatum, anno regni sui XVI exeunte, sub finem anni Chr. 10CXLIII. Nam regno Neustriæ & Burgundiæ filio Chlodo-ueo tradito, eoque & Reginâ Nanthilde Maiori-Domus Ægani commendatis, ingrauescente morbo humanis rebus exemptum esse XV Kalendas Februarias, obseruant in Gestis eius monachus S. Dionysij cap. 43, & Aimoinus cap. 43. Annus tum cœperat 10CXLIV, qui primus Chlodouei II numeratur: cuius regnum eo anno initum solidissimè confirmat S. Audoëns, DAGOBERTI Regis antè Referendarius. Hic indicaturus,